



Broj: 01-50-1-15-32/16
Sarajevo, 28.6.2016.



ZAPISNIK
32. sjednice Predstavničkog doma
Parlamentarne skupštine Bosne i Hercegovine,
održane 27.6.2016.

Sjednica je počela u 10, 35 sati. Prisustvovalo je 38 poslanika.

Sjednici nisu prisustvovali poslanici Mirsad Mešić, Denis Bećirović, Mensura Beganović i Dušanka Majkić.

Sjednici su prisustvovali predsjedavajući i članovi Vijeća ministara BiH, predstavnici Institucije ombudsmena za ljudska prava BiH, Državne regulatorne agencije za radijacijsku i nuklearnu sigurnost BiH, Ureda za razmatranje žalbi BiH i Agencije za zaštitu ličnih podataka BiH.

Iz međunarodnih organizacija sjednicu su pratili predstavnici OHR-a, Misije OSCE-a i EUSR-a, te predstavnik britanske ambasade u BiH.

U vezi sa izmjenama i dopunama dnevnog reda sjednice, predsjedavajući je napomenuo sljedeće:

S dnevnog reda skinute su:

Tačka 3. Prijedlog zakona o izmjenama i dopunama Zakona o Javnom radio-televizijskom sistemu Bosne i Hercegovine, predlagači: poslanici Amir Fazlić i Mirsad Đonlagić, zakon broj: 01-02-1-1417/16, od 13.5.2016. (drugo čitanje), u skladu sa Zahtjevom Komisije za saobraćaj i komunikacije,

Tačka 8. Izvještaj o zaštiti ličnih podataka u Bosni i Hercegovini za 2015. godinu, podnosilac: Agencija za zaštitu ličnih podataka u Bosni i Hercegovini, akt broj: 01,02-37-1581/16, od 1.6.2016., u skladu sa Zahtjevom Zajedničke komisije za ljudska prava PSBiH i

Tačka 9. Informacija o stanju iseljeništva, podnosilac: Ministarstvo za ljudska prava i izbjeglice BiH, akt broj: 01,02-42-1590/16, od 2.6.2016., u skladu sa Zahtjevom Zajedničke komisije za ljudska prava PSBiH.

Nakon ovih napomena, predsjedavajući je otvorio raspravu o dnevnom redu sjednice.

U raspravi su učestvovali: Sadik Ahmetović, Amir Fazlić, Senad Šepić, Nikola Špirić i Damir Arnaut.

Nakon rasprave, predsjedavajući je konstatirao da 32. sjednica Predstavničkog doma ima sljedeći

DNEVNI RED

1. Usvajanje Zapisnika 31. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o obilježavanju malog oružja, lakog naoružanja i pripadajuće municije, predlažać: Vijeće ministara BiH, zakon broj: 01,02-02-1-1361/16, od 9.5.2016. i 10.6.2016. (prvo čitanje), skraćeni postupak;
4. Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o upravnom postupku, predlažać: Vijeće ministara BiH, zakon broj: 01,02-02-1-929/16, od 21.3.2016.;
5. Izvještaj o stanju radijacijske i nuklearne sigurnosti u Bosni i Hercegovini za 2015. godinu, podnosilac: Državna regulatorna agencija za radijacijsku i nuklearnu sigurnost, akt broj: 01,02-50-19-1500/16, od 19.5.2016.;
6. Izvještaj o radu Ureda za razmatranje žalbi za 2015. godinu, podnosilac: Ured za razmatranje žalbi, akt broj: 01,02-50-19-1676/16, od 13.6.2016.;
7. Informacija o stanju sigurnosti u Bosni i Hercegovini u 2015. godini, podnosilac: Ministarstvo sigurnosti BiH, akt broj: 01,02-04-1339/16, od 6.5.2016.;
8. Informacija o stanju javne zaduženosti Bosne i Hercegovine na dan 31.12.2015., podnosilac: Vijeće ministara BiH, akt broj: 01,02-16-1-1587/16, od 2.6.2016.;
9. Informacija o nestalim osobama u Bosni i Hercegovini i Mišljenje o inicijativi ICMP-a o preuzimanju nadležnosti od strane Vijeća ministara Bosne i Hercegovine, podnosilac: Vijeće ministara BiH, akt broj: 03/6-40-1314/16, od 1.6.2016.;
10. Informacija o primjeni Okvirnog zakona o osnovnom i srednjem obrazovanju u BiH, s naglaskom na izučavanje nacionalne grupe predmeta i izučavanje maternjeg jezika na cijeloj teritoriji Bosne i Hercegovine, podnosilac: Ministarstvo civilnih poslova BiH, akt broj: 01-02-1-179/16, od 12.1.2016.;
11. Amandman na Sporazum o finansiranju za tehničku pomoć za autoput na Koridoru 5c – BiH, zaključen između Bosne i Hercegovine, JP Autoceste FBiH d.o.o. Mostar, i Evropske investicione banke, akt broj: 01,02-05-2-1628/16, od 8.6.2016.;
12. Sporazum o finansiranju programa aktivnosti prekogranične saradnje Bosna i Hercegovina - Crna Gora za 2014. godinu između Bosne i Hercegovine i Evropske unije, koju predstavlja Evropska komisija, akt broj: 01,02-05-2-1677/16, od 13.6.2016.;
13. Sporazum o finansiranju državnog programa aktivnosti za Bosnu i Hercegovinu za 2014. godinu između Bosne i Hercegovine, koju predstavlja Direkcija za evropske integracije Vijeća ministara BiH, i Evropske unije, koju predstavlja Evropska komisija, akt broj: 01,02-05-2-1678/16, od 13.6.2016.;
14. Razmatranje materijala sa oznakom „povjerljivo“, akt broj: P – Pov – 07-03-10-9-12/16, od 16.5.2016.

* * * * *

Ad.1. Usvajanje Zapisnika 31. sjednice Predstavničkog doma Parlamentarne skupštine BiH

Nakon uvodnih napomena predsjedavajućeg, nije bilo rasprave.

Zapisnik 31. sjednice usvojen je jednoglasno s 36 glasova "za" (iz Federacije BiH 25, iz Republike Srpske 11).

Ad.2. Komentari na dobivene odgovore na poslanička pitanja

Predsjedavajući je podsjetio da je, u skladu s članom 170. Poslovnika, do ove sjednice Doma pitanje u pisanoj formi postavila poslanica **Hanka Vajzović** – pitanje postavila Vijeću ministara BiH.

Sadržaj postavljenog pitanja je sljedeći:

Hanka Vajzović

Pitanje postavljeno Vijeću ministara BiH: „Kojim pravnim aktom je regulirana mogućnost da se umjesto svojeručnog potpisivanja službenih akata može koristiti otiskivanje faksimila svojeručnog potpisa, odnosno kojim se potpisom pravno izjednačava svojeručni potpis i otiskivanje faksimila svojeručnog potpisa? S obzirom da vrlo često rukovodioci organa uprave, u vrijeme svog odsustva, ovlašćuju druga lica da mogu u njihovo ime otiskivati faksimil njihovog potpisa – čime su regulirane sankcije u slučaju eventualne zloupotrebe ili nepravilnog postupanja s faksimilom? Da li je pravno korektno da se pitanje zloupotrebe faksimila svojeručnog potpisa rukovodioca institucije razrađuje Uputstvom o načinu vršenja kancelarijskog poslovanja u institucijama Bosne i Hercegovine („Službeni glasnik BiH“, broj 30/15), a da se to pitanje ne spominje u Zakonu? Kakva je sudska praksa u vezi s priznavanjem autentičnoga svojeručnog potpisa?“

Tokom sjednice pitanja i inicijative u pisanoj formi postavili su poslanici:

- **Salko Sokolović** – postavio pitanja Ministarstvu finansija i trezora BiH, Uredu za zakonodavstvo i Kolegiju Sekretarijata Parlamentarne skupštine BiH,
- **Senad Šepić** – postavio dva pitanja i uputio jednu inicijativu Vijeću ministara BiH.

Sadržaj postavljenih pitanja i inicijativa je sljedeći:

Salko Sokolović

Pitanja postavljena Ministarstvu finansija i trezora BiH:

- „Kojim pravnim aktima je regulirana naknada troškova prijevoza na posao i s posla za zaposlene u institucijama BiH?
- Kada je usvojen i objavljen akt o promijeni šifre u vezi s naknadom troškova prijevoza za zaposlene u institucijama BiH, a koji imaju prijavljeno prebivalište na području Lukavica – Istočno Sarajevo?
- Kojim aktom je regulirano da je visina naknade za zaposlene u institucijama BiH koji žive u Federaciji BiH i onih koji žive u RS-u, a međusobno su im adrese stanovanja udaljene od 100 do 500 metara u Lukavici – Istočnom Sarajevu i Sarajevu, veća za 100% u korist zaposlenih iz RS-a?

- Koliko sredstava na mjesečnom nivou realizacija ove odluke, odnosno spomenute šifre (npr. PSARLUK) košta institucije BiH?
- Da li su svi zaposleni u institucijama BiH koji primaju naknadu za troškove prijevoza na posao i s posla potpisali izjavu kojom, pod krivičnom, moralnom i materijalnom odgovornošću, garantiraju tačnost podataka navedenih u toj izjavi, a koji se tiču mjesta prebivališta i adrese stanovanja?“

Pitanje postavljeno Uredu za zakonodavstvo: „Da li je odluka premo kojoj zaposleni u institucijama BiH koji žive u Sarajevu bliže od 2 km mjestu rada, a koji, također, koriste gradski prijevoz za dolazak na posao, diskriminirajuća?“

Pitanja postavljena Kolegiju Sekretarijata Parlamentarne skupštine BiH:

- „Kojim podzakonskim aktom je utvđeno da zaposleni u Sekretarijatu PSBiH, a koji imaju prijavljeno prebivalište na području Lukavica – Istočno Sarajevo dopisom obavještavaju članove Kolegija Sekretarijata, kao svoje pretpostavljene, o promjeni šifre u vezi s naknadom troškova prijevoza, na osnovu čijeg potpisa im se povećava naknada za prijevoz?
- S obzirom na to da postoje indicije da na osnovu netačnih podataka koje su dostavili neki od zaposlenih u institucijama BiH godinama ostvaruju pravo na naknadu za prijevoz, da li je moguće utvrditi stvarno stanje i sankcionirati one koji su se ogriješili o zakon?“

Senad Šepić

Pitanja postavljena Vijeću ministara BiH:

1. „Molim da mi dostavite informaciju o trendu broja zaposlenih i nezaposlenih u BiH (prema entitetima i kantonima unutar FBiH pregled) za period 1.1.2016. – 30.6.2016.
2. Molim da mi dostavite informaciju o broju učenika u osnovnim i srednjim školama u BiH koji su upisali prvo polugodište školske 2015./2016. godine. Molim da pregled sadrži broj po općinama / kantonima / entitetima i Brčko Distrikt BiH.

Inicijativa upućena Vijeću ministara BiH: „Molim da mi dostavite informaciju o trendu investicija u BiH – koje oblasti, koje zemlje i u kojim iznosima su investirale u BiH u periodu 2015. – juni 2016. godine. Molim uporedne pokazatelje s 2014. godinom.“

Predsjedavajući je rekao da su do današnje sjednice dostavljeni sljedeći odgovori na poslanička pitanja:

- Na pitanja **Denisa Bećirovića**, postavljena u pisanoj formi na 24. sjednici, odgovor dostavilo Vijeće ministara BiH.
- Na inicijative **Senada Šepića**, podnesene na 25., 27. i 29. sjednici, te pitanje postavljeno na 27. sjednici, odgovore dostavilo Vijeće ministara BiH.
- Na pitanje **Maje Gasal-Vražalice**, postavljeno u pisanoj formi na 27. sjednici, odgovor dostavilo Vijeće ministara BiH.
- Na pitanje **Nikole Špirića**, postavljeno u pisanoj formi na 28. sjednici, odgovor dostavilo Vijeće ministara BiH.
- Na pitanja **Mirsada Donlagića**, postavljena u pisanoj formi na 29. i 31. sjednici, odgovore dostavilo Vijeće ministara BiH.

- Na pitanje **Damira Arnauta**, postavljeno u pisanoj formi na 29. sjednici, odgovor dostavilo Vijeće ministara BiH.
- Na pitanje **Aleksandre Pandurević**, postavljeno u pisanoj formi na 29. sjednici, odgovor dostavilo Vijeće ministara BiH.
- Na pitanje **Nikole Lovrinovića**, postavljeno u pisanoj formi na 30. sjednici, odgovor dostavio BHRT.
- Na pitanja **Hanke Vajzović**, postavljena u pisanoj formi na 28. sjednici, odgovor dostavilo Vijeće ministara BiH.
- Na pitanje **Šemsudina Mehmedovića**, postavljeno u usmenoj formi na 29. sjednici, odgovor dostavilo Vijeće ministara BiH.
- Na pitanje **Borislava Bojića**, postavljeno u usmenoj formi na 31. sjednici, odgovor dostavilo Vijeće ministara BiH.

Dostavljene odgovore komentirali su poslanici Maja Gasal-Vražalica, Nikola Lovrinović, Šemsudin Mehmedović, Nikola Špirić, Nermina Kapetanović, Senad Šepić, Mirsad Đonlagić i Hanka Vajzović.

Maja Gasal-Vražalica izrazila je nezadovoljstvo odgovorom dobivenim od Ministarstva pravde BiH.

Nikola Lovrinović rekao je da će odgovore od RTRS-a i BHRT-a komentirati dok dobije odgovor i od RTVFBiH-a.

Šemsudin Mehmedović izrazio je nezadovoljstvo odgovorom dobivenim od Ministarstva komunikacija i prometa BiH.

Nikola Špirić izrazio je nezadovoljstvo odgovorom dobivenim od Vijeća ministara BiH.

Senad Šepić izrazio je nezadovoljstvo i zatražio dopunu odgovora od Vijeća ministara BiH na pitanje u vezi s obrazovanjem osoba iz tzv. treće životne dobi.

Mirsad Đonlagić komentirao je odgovore dobivene od Vijeća ministara BiH.

Hanka Vajzović komentirala je odgovor dobiven od Vijeća ministara BiH.

Ad.3. Prijedlog zakona o obilježavanju malog oružja, lakog naoružanja i pripadajuće municije, predlagач: Vijeće ministara BiH, zakon broj: 01,02-02-1-1361/16, od 9.5.2016. i 10.6.2016. (prvo čitanje), skraćeni postupak

Predsjedavajući je dao uvodne napomene i otvorio raspravu. Nije bilo prijavljenih.

Prijedlog zakona o obilježavanju malog oružja, lakog naoružanja i pripadajuće municije **usvojen je u prvom čitanju** s 32 glasa „za“ (iz Federacije BiH 25, iz Republike Srpske sedam), četiri „protiv“ i bez glasova „suzdržan“.

Ad.4. Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o upravnom postupku, predlađač: Vijeće ministara BiH, zakon broj: 01,02-02-1-929/16, od 21.3.2016.

Predsjedavajući je dao uvodne napomene. Diskutirala je Diana Zelenika.

Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o upravnom postupku **usvojen je** s 27 glasova „za“ (iz Federacije BiH 21, iz Republike Srpske šest), četiri „protiv“ i pet glasova „suzdržan“. Time je usvojen i Amandman I. koji glasi:

Amandman I.

U članu 2. stav (2) Prijedloga zakona, a u vezi s članom 78. stav (2) Zakona o upravnom postupku, riječ „tuženi“ zamjenjuje se riječju „lice“.

Ad.5. Izvještaj o stanju radijacijske i nuklearne sigurnosti u Bosni i Hercegovini za 2015. godinu, podnosilac: Državna regulatorna agencija za radijacijsku i nuklearnu sigurnost, akt broj: 01,02-50-19-1500/16, od 19.5.2016.

Predsjedavajući je dao uvodne napomene i otvorio raspravu. Nije bilo prijavljenih.

Izvještaj o stanju radijacijske i nuklearne sigurnosti u Bosni i Hercegovini za 2015. godinu **usvojen je** s 31 glasom „za“ (iz Federacije BiH 24, iz Republike Srpske sedam), bez glasova „protiv“ i pet glasova „suzdržan“.

Ad.6. Izvještaj o radu Ureda za razmatranje žalbi za 2015. godinu, podnosilac: Ured za razmatranje žalbi, akt broj: 01,02-50-19-1676/16, od 13.6.2016.

Nakon uvodnih napomena predsjedavajućeg, otvorena je rasprava.

U raspravi su učestvovali: Momčilo Novaković i Šemsudin Mehmedović.

Predsjedavajući je dao na glasanje Izvještaj. „Za“ je glasalo 16 poslanika (iz Federacije BiH 12, iz Republike Srpske četiri), 11 je bilo „protiv“ i devet „suzdržanih“. Predsjedavajući je konstatirao da nema potrebne entitetske većine i da će Kolegij kao komisija obaviti naknadno usaglašavanje.

Nije se glasalo o zaključku iz Izvještaja nadležne Komisije za finansije i budžet.

Ad.7. Informacija o stanju sigurnosti u Bosni i Hercegovini u 2015. godini, podnosilac: Ministarstvo sigurnosti BiH, akt broj: 01,02-04-1339/16, od 6.5.2016.

Predsjedavajući je dao uvodne napomene i otvorio raspravu. U raspravi su učestvovali: Hanka Vajzović, Saša Magazinović, Nikola Lovrinović, Fehim Škaljić, Šemsudin Mehmedović i Nermina Kapetanović.

Dom je, s 25 glasova „za“ (iz Federacije BiH 19, iz Republike Srpske šest), osam „protiv“ i tri glasa „suzdržan“, **primio k znanju** Informaciju o stanju sigurnosti u Bosni i Hercegovini u 2015. godini.

Ad.8. Informacija o stanju javne zaduženosti Bosne i Hercegovine na dan 31.12.2015., podnosilac: Vijeće ministara BiH, akt broj: 01,02-16-1-1587/16, od 2.6.2016.

Predsjedavajući je dao uvodne napomene i otvorio raspravu.

Diskutirali su Aleksandra Pandurević i Momčilo Novaković.

Domu se obratila Zakira Muratović, pomoćnica ministra finansija i trezora BiH.

Dom je, s 24 glasa „za“ (iz Federacije BiH 18, iz Republike Srpske šest), četiri „protiv i osam glasova „suzdržan“, **primio k znanju** Informaciju o stanju javne zaduženosti Bosne i Hercegovine na dan 31.12.2015.

Ad.9. Informacija o nestalim osobama u Bosni i Hercegovini i Mišljenje o inicijativi ICMP-a o preuzimanju nadležnosti od strane Vijeća ministara Bosne i Hercegovine, podnosilac: Vijeće ministara BiH, akt broj: 03/6-40-1314/16, od 1.6.2016.

Nakon uvodnih napomena, predsjedavajući je otvorio raspravu. Diskutirali su Milica Marković i Nikola Lovrinović.

Dom je, s 26 glasova „za“, (iz Federacije BiH 21, iz Republike Srpske pet), četiri „protiv i šest glasova „suzdržan“, **primio k znanju** Informaciju o nestalim osobama u Bosni i Hercegovini i Mišljenje o inicijativi ICMP-a o preuzimanju nadležnosti od strane Vijeća ministara Bosne i Hercegovine.

Ad.10. Informacija o primjeni Okvirnog zakona o osnovnom i srednjem obrazovanju u BiH, s naglaskom na izučavanje nacionalne grupe predmeta i izučavanje maternjeg jezika na cijeloj teritoriji Bosne i Hercegovine, podnosilac: Ministarstvo civilnih poslova BiH, akt broj: 01-02-1-179/16, od 12.1.2016.

Predsjedavajući je dao uvodne napomene i otvorio raspravu.

U raspravi su učestvovali: Monika Tomić, Šemsudin Mehmedović, Maja Gasal-Vražalica, Sadik Ahmetović, Milica Marković, Momčilo Novaković, Šefik Džaferović, Nikola Špirić, Zaim Backović, Nikola Lovrinović, Saša Magazinović, Mirsad Isaković, Salko Sokolović, Hanka Vajzović, Predrag Kožul, Mirsad Donlagić, Nermine Kapetanović, Damir Arnaut i Safer Demirović.

Nakon rasprave, predsjedavajući je Informaciju stavio na glasanje. Dom, s četiri glasa „za“ (iz Republike Srpske), 20 „protiv i 12 glasova „suzdržan“, **nije primio k znanju** Informaciju o primjeni Okvirnog zakona o osnovnom i srednjem obrazovanju u BiH, s naglaskom na izučavanje nacionalne grupe predmeta i izučavanje maternjeg jezika na cijeloj teritoriji Bosne i Hercegovine.

Prije prelaska na sljedeću tačku dnevnog reda, predsjedavajući je dao na glasanje prijedlog da se objedini rasprava o tačkama 11. - 13., jer je riječ o davanju saglasnosti za ratifikaciju amandmana i sporazuma.

Dom je jednoglasno, s 36 glasova „za“ (iz Federacije BiH 25, iz Republike Srpske 11), **usvojio** ovaj prijedlog.

Ad.11.-13.

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 34 glasa „za“ (iz Federacije BiH 23, iz Republike Srpske 11), bez glasova „protiv“ i dva glasa „suzdržan“, **dao saglasnost** za ratifikaciju:

- Amandmana na Sporazum o finansiranju za tehničku pomoć za autoput na Koridoru 5c – BiH, zaključen između Bosne i Hercegovine, JP Autoceste FBiH d.o.o. Mostar, i Evropske investicione banke,
- Sporazuma o finansiranju programa aktivnosti prekogranične saradnje Bosna i Hercegovina - Crna Gora za 2014. godinu između Bosne i Hercegovine i Evropske unije, koju predstavlja Evropska komisija i
- Sporazuma o finansiranju državnog programa aktivnosti za Bosnu i Hercegovinu za 2014. godinu između Bosne i Hercegovine, koju predstavlja Direkcija za evropske integracije Vijeća ministara BiH, i Evropske unije, koju predstavlja Evropska komisija.

Ad.14. Razmatranje materijala sa oznakom „povjerljivo“, akt broj: P – Pov – 07-03-10-9-12/16, od 16.5.2016.

Nakon uvodnih napomena, otvorena je rasprava. U raspravi su učestvovali: Zaim Backović, Nikola Špirić i Nikola Lovrinović

Dom je, s 26 glasova „za“ (iz Federacije BiH 20, iz Republike Srpske šest), bez glasova „protiv“ i deset „suzdržanih“, **usvojio** materijal sa oznakom „povjerljivo“.

Sjednica je završena u 16,20 sati.

Sastavni dio Zapisnika je transkript 32. sjednice Predstavničkog doma.

SEKRETAR
PREDSTAVNIČKOG DOMA

Marin Vukoja

PREDSJEDAVAJUĆI
PREDSTAVNIČKOG DOMA

Mladen Bosić

Mladen Bosić